

Pardonit deomp hor pec'hedoù,
'vel ma pardonomp d'ar re o deus pec'hed doc'homp,
Ha n'hon laosket ket da gouezh en tantasion
Met hon diwallit doc'h an droug.

Ar beleg : Plijet genoc'h, Aotrou Doue,... ha distro hor Salver Jezuz-Krist :

R/ : Rak deoc'h-C'hwil, Aotrou Doue, emañ ar Rouantelezh hag ar gloar a-holl-viskoazh da virviken. Amen.

Lid ar peoc'h :

Ar beleg : Salver Jezuz-Krist... a-holl-viskoazh da virviken.

Peoc'h hor Salver a vo bepred genoc'h. **R/ : Ha get ho spered !**

Oan Doue :

Oan Doue a lam pec'hedoù ar bed : ho peet truez ouzhomp ! (bis)
Roit deomp ar peoc'h !

Kent ar gomunion :

Ar beleg : Eürus ar re a zo galvet da bred santel an Oan.

Setu Oan Doue, an hini a lamm pec'hed ar bed :

**R/ : Man Doue, ned on ket dign ma teet davedon,
met lârit ur ger hepken hag e vo aesaet din.**

Komunion : Meulomp holl da james Doue leun a vadelezh ! (2w)

- | | |
|---|---|
| 1 Kanit, Aelez, d'hon Aotrou
Ho kantikoù kaerañ
Bennigit anezhañ
Genimp eus E holl c'hrasoù. | 3 Pastor karantek-meurbet,
Na esper ket e boan,
Klask a ra hep ehan
An dañvad kaezh dianket. |
| 2 Biskoazh tad na oe gwelet
Ken mat d'e vugale,
Ken soursius noz-de(iz)
D'o diwall korf ha spered. | 4 Lamet en eus an anken
A-ziwar ma spered,
Trec'h d'ar c'hig ha d'ar bed,
Torret en deus ma chadenn. |

'Cit kloziñ an oferenn :

Ar beleg : An Aotrou Doue genoc'h :

R/ : Ha get ho spered !

Ar beleg : Doue hollgelloudek d'ho pennigñ :

An Tad, ar Mab hag ar Spered Santel. **R/ : Amen !**

Ar beleg : Kerzhit e peoc'h hor Salver, Alleluia: **R/ : Bennozh da Zoue !**

Kan-dibenn :

Rouanez an neañv, kemerit joe, Alleluia ! Alleluia ! Rak ar frouezh ag ho tigostez Alleluia ! Alleluia !	A zo savet bev ag ar bez, Alleluia ! Alleluia ! Pedit 'veidomp an Aotrou Doue, Alleluia ! Alleluia !
---	---

Deoc'h, Gwerzh, joe ha levenez,
Alleluia ! Alleluia !
Jezuz 'zo savet ag ar bez,
Alleluia ! Alleluia !

Perc'hinded ar Vrezhonegerion

25 a viz Ebrel 2021

« Me eo ar Pastor Mat »

Kan digor : Alleluia ! Alleluia ! Alleluia !

- | | |
|---|--|
| 1 D'ar sul vintin, da c'houloù deiz
An disipled leun a dristez
A dostaas da welet ar bez. | 4 Eürus ar re en deus kredet
Daousto ma n'o deus ket gwelet !
Eürus 'vint en neañv da bepred ! |
| 2 Un Ael e gwenn, er bez chouket,
Dezhe o zeir en deus lâret :
Er Galile er c'havehet ! | 5 En deiz gouel-mañ get levenez
A vouezh uhel kanomp da Zoue
Gloar, meuleudi ha trugarez. |
| 3 Sant Yehann a redas a-herr,
Ha fonnabloc'h 'veit sant Pier
Arrivas e bez hor Salver. | 6 Lâromp get izelded-kalon,
Get karantez, get devosion :
Bennozh da Zoue ha melasion ! |

Salud d'ar bobl :

*Ar beleg : Gras hor Salver Jezuz-Krist, karantez Doue an Tad
hag unaniezh ar Spered Santel, ra vint genoc'h-holl :*

Respont : Ha get ho spered !

Asperges: Alleluia !

- | | |
|--|--|
| 1 Ha gwelet am eus an dour bev
O strinkañ eus kalon ar C'hrist !
An holl re 'vo gwalc'het en dour-se
A vo salvet hag a gano : | 3 Gwelet am eus ivez an Templ
Digor da virviken d'an holl
Ar C'hrist a zeua en-dro get trec'h,
A ziskouez gouli e gostez. |
| 2 Ha gwelet am eus ar vammenn
O tont da vout ur stêr divent !
Ha bugale Doue, holl tolpet
'Gane laouen da vout salvet : | 4 Gwelet am eus ivez ar Gomz
O reiñ deomp peoc'h hon Aotrou Doue.
An holl re a gred en e anv
A vo salvet, hag e kanint : |

Gloria : (Guilloù) Gloria ! Gloria ! In excelsis Deo ! (2 wezh)

Peoc'h ar an douar d'an dud karet getañ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.

Aotrou, Mab unganet, Salver Jezuz. Aotrou ha Doue, Mab an Tad. C'hwil hag a lam pec'hed ar bed, ho pet truez doc'homp. C'hwil hag a lam pec'hed ar bed, degemerit hor pedenn. C'hwil hag a zo azezet en tu dehoù d'an Tad, ho pet truez doc'homp.

Rak C'hwil hepken a zo santel. C'hwil hepken a zo Mestr. C'hwil hepken a zo uhel-meurbet, Salver Jezuz, Get ar Spered Santel, e gloar Doue an Tad. Amen !

Lennadenn getañ : Lennadenn tennet eus Oberoù an Ebestel

En deizioù-se, Pêr, leun gant ar Spered Santel, a lâras dezhe : «Renerien ar bobl ha c'hwi Henaourien, gourc'hemenn a reer deomp hiriv respont dirak ul lez-varn abalamour d'ar vad hon eus graet d'un den ampechet, diskleriañ gant piv eo bet pareet an den-se. Ret eo deoc'h holl ha da bobl Israel a-bezh gouzout eo en anv Jezuz Krist a Nazared hoc'h eus staget ouzh ar Groaz ; met savet eo bet gant Doue a-douez ar re varv ; gras dezhañ en em zalc'h an den-mañ pare dirazoc'h. Hennezh eo ar maen bet taolet kuit ganeoc'h-c'hwi, ar saverien, hag a zo deuet da vezañ ar maen-korn. N'eus ket a salvidigezh dre hini all ebet er bed, rak n'eus bet kinniget d'an dud dindan bolz an neñv anv all ebet a zlefemp bezañ salvet gantañ.

Setu komz an Aotrou Doue : **Bennozh da Zoue !**

Psalm 117 : Ar maen bet distaolet get ar saverion

a zo daet da vout maen-uhel ar c'horn.

Rentit gloar d'an Aotrou evit e vadelezh,
ya, da virviken e pad e drugarez.
Gwelloc'h eo en em repuiñ en Aotrou,
eget fiziout e mab-den.

Gwelloc'h eo en em repuiñ en Aotrou,
eget fiziout e mab-den.
Ho trugarekaat a ran dre m'hoc'h eus ma selaouet,
Dre ma 'z oc'h bet evidon ur Salver.

Ar maen bet distaolet gant ar saverien,
a zo deuet da vezañ maen-uhel ar c'horn;
gant an Aotrou eo bet graet se,
tra estlammus d'hon daoulagad.

Ma Doue ez oc'h-c'hwi hag ho trugarekaat a ran,
ma Doue, ho kanmeuliñ a fell din.
Rentit klod d'an Aotrou evit e vadelezh,
ya, da virviken e pad e drugarez.

Eil lennadenn : Lennadenn tennet eus lizher kentañ Sant Yann

Breuder karet, gwelit enta pebezh karantez en deus roet deomp an Tad : Betek ma vezomp anvet bugale da Zoue, hag ez omp ! Ar bed n'hon anav ket peogwir n'en deus ket e anavezet anezhañ. Ma re garet, bremañ dija ez omp bugale da Zoue, daoust ma n'eo ket bet c'hoazh diskouezet petra vimp. Met gouzout a reomp penaos, pa en em ziskouezo, e vimp heñvel outañ dre ma er gwelimp evel m'emañ.

Setu komz an Aotrou Doue : **Bennozh da Zoue !**

Aviel : Alleluia, Sklaeder ar Broadoù ! Alleluia, Jezuz-Krist a youc'homp !

Ar beleg : An Aotrou Doue genoc'h : **R/ : Ha get ho spered.**

Ar beleg : Lennadenn ag an Aviel santel hervez St Yehann.

R/ : Gloar deoc'h-Chwi, ô Aotrou Krist !

En amzer-se, e lavaras Jezuz : Me eo ar Pastor Mat. Ar Pastor Mat a roa e vuhez evit e zeñved. Met ar mevel, an hini n'eo ket-eñ ar pastor peogwir n'eo ket an deñved dezhañ, pa wel ar bleiz o tont a zilez an deñved hag a dec'h ; hag ar bleiz o skrap hag a lak anezhe da redek amañ hag ahont. Ar mevel a dec'h kuit, rak n'eo ken nemet ur goprad ha n'eo ket chalet gant an deñved. Me a zo ar Pastor Mat : anaout a ran ma deñved, ha ma

re-me am anav, evel ma 'z on anavezet gant an Tad, ha ma 'z eo an Tad anavezet ganin. Ha ma buhez a roan evit ma deñved. Deñved all am eus c'hoazh ha n'int ket eus ar vandenn-mañ. Ar re-se ivez am eus d'o degas davet ar re all. Klevet a raint ma mouezh ha ne vo neuze nemet un tropellad hag ur bugul hepken. Ma ma c'har an Tad eo abalamour ma roan ma buhez evit he c'hemer en-dro. Den ebet n'he zenn diganin, met he reiñ a ran ac'hanon ma-unan ; ar galloud am eus d'he reiñ hag ar galloud d'hec'h adkemer a-nevez. Kement-se a zo bet gourc'hemennet din gant ma Zad.»

En dibenn : ar beleg : Setu Komz an Aotrou :

R/ : Meuleudi deoc'h, ô Aotrou Krist !

Kredo : Credo in unum Deum. Patrem omnipotentem, factorem caeli et terrae, visibilium omnium et invisibilium. **Et in unum Dominum Jesum Christum, Filium Dei unigenitum.** Et ex Patre natum ante omnia saecula. **Deum de Deo, Lumen de Lumine, Deum verum de Deo vero.** Genitum non factum consubstantialem Patri, per quem omnia facta sunt. **Qui propter nos homines et propter nostram salutem descendit de caelis.** Et incarnatus est de Spiritu Sancto ex Maria Virgine, et HOMO FACTUS EST. **Crucifixus etiam pro nobis sub Pontio Pilato, passus et sepultus est.** Et resurrexit tertia die secundum scripturas. **Et ascendit in caelum, sedet ad dexteram Patris.** Et iterum venturus est cum gloria judicare vivos et mortuos, cujus regni non erit finis. **Et in Spiritum Sanctum, Dominum et vivificantem, qui ex patre Filioque procedit.** Qui cum Patre et Filio simul adoratur et conglorificatur, qui locutus est per prophetas. **Et unam sanctam catholicam, et apostolicam Ecclesiam.** Confiteor unum baptisma, in remissionem peccatorum. **Et exspecto resurrectionem mortuorum.** Et vitam venturi saeculi. **Amen !**

Pedenn hollbedel :

Aotrou, hon Doue, ô Tad Santel, selaouit hor pedenn !

Lid ar profoù : ar beleg : *Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hini an Iliz.

Prefas :

Ar beleg : An Aotrou Doue geneoc'h :

R/ : Ha get ho spered !

Ar beleg : Hor c'halon d'an uhel :

R/ : Emañ troet trema Doue !

Ar beleg : Trugarekaomp hon Aotrou Doue :

R/ : Just ha santel eo !

Santel : Santel ! Santel ! Santel ! An Aotrou Doue, Mestr ar bed !

Lan eo get ho kloar an neañv hag an douar : **Hosanna e lein an ne !**

Ra vo benniget an hini a zeua e anv an Aotrou Doue : **Hosanna e lein an ne !**

Gorreoù : Ra vo meulet !

Hon Tad : hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,